

Adé Tchot Blaise

Tchot Blaise pi mi on s'a connu à l'Ecole Normale d'Instituteurs d'Anmiens à l'fin des énéés cinquante. J'y su arrivé in 57. Vu nos âches, j'pinse eq'li, il est intré in 59 ou 60.

Ed nous deux, jé n'sais point tchéche qu'il o c'minché à ap'ler l'eute Tchot Blaise. Ch'étoait pétète l'mote à l'école edou tou'l'monde connoissoait ché Cabotans d'Anmiens, l'compagnie d'marionettes édou des maristers passés avin nous is juaient't Ch'Lafleur, sin camarate Tchot Blaise et d'eute personnaches picards.

A l'école, on s'a vite ar'trové din ch'gymnasse. Mi j'faisoait du ba's'tchette qu'j'avoais c'minché à Rue. Li, j'én'sais point d'ou qu'il avoait c'minché chu hand'balle, pétète à E'carbotin d'où qui v'noait. Cha li'y o réussi vu qu'il o jué à un heu niveau comme gardien d'but.

O nous sommes in momin perdu d'vue, quand j'sus sorti d'l'école. Apré in'ennée d'marister à Crécy in Ponthiu, min service militaire, min mariache, ch'est à Lille qu'on nous sommes ar'trouvé, par hasard. Il étoait v'nu foaire ses étutes ed lettres comme em'feume. Après il o té professeur à Lens. Il habitoait Faches Thumesnil et nous Ronchin.

Pas'qu'i c'minchoait à n'n'avoér assez d'foaire la route, j'li 'y ai suggéré dé d'minder sin cange'mint pour Lambersart édou qu'mi j'avoais été nonmé.

Il l'o foait et j'pinse qu'i n'l'o jamoais r'graté. Aveuc Edmond, Camille, Michel, pindin quiqu's'énées, os avons foait éne fine étchipe, animant des clu'pe ed jomaleu, chinéma epi té'i yate. Avec ch'qu'il avoait déjo foait à Lens, il avoait gramint d'avinche sur nous tertous.

Ché din ch'tin d'Lambersart qu'il o quoési ed dév'nir conmédien professionnel. Lo itou, li o jolimint bien foait.

L'reste dé s'vie et s'n'ouvrache, d'eute is l'diront miu qu'mi. Is l'ont déjo dit.

Mi, j'li dirai point à « **nous r'vir** », vu qué j'n'y croé point. Seul'mnint « **adé** », ch'qui n'est point gramint miu.

Din m'tête, comme il l'o foait i'y o quique jours à l'hôpital, j'l'intins m'réponde « **adé o da** » comme on dit souvin din no poé'i'y Picardie ...

Tchot Blaise Jacquy Tiset